



## **TOSHKENT VILOYATI BEKOBOD TUMAN HOKIMI QARORI**

---



---

2022 - yil 1 - noyabr

445-10-135-Q/22

Bekobod tuman hokimligi

### **Ijtimoiy muhofazaga muhtoj va ish topishda qiynalayotgan shaxslarni ishga joylashtirish maqsadida ish o'rinlarini 2023- yil uchun band qilib qo'yish to'g'risida**

O'zbekiston Respublikasining “Aholi bandligi to'g'risida”gi Qonuning 13-moddasi, O'zbekiston Respublikasining “O'zbekiston Respublikasida nogironlarni ijtimoiy himoya qilish to'g'risida”gi Qonuning 25-moddasi, O'zbekiston Respublikasi Vazirlar Mahkamasining 2017-yil 5-dekabrdagi 965-sonli Qarori bilan tasdiqlangan O'zbekiston Respublikasida ijtimoiy muhofazaga muhtoj va ish topishda qiynalayotgan shaxslarni ishga joylashtirish uchun ish o'rinlarini band qilib qo'yish tartibi to'g'risidagi nizomiga asosan ijtimoiy muhofazaga muhtoj va ish topishda qiynalayotgan shaxslarni ishga joylashtirish uchun tumanda 2023 -yilga mo'ljallab ish o'rinlarini band qilib qo'yish maqsadida O'zbekiston Respublikasining “Mahalliy davlat hokimiyati to'g'risida”gi Qonuning 6-moddasiga asosan

#### **QAROR QILAMAN:**

1.O'zbekiston Respublikasining “Aholi bandligi to'g'risida”gi Qonuning 13-moddasiga asosan ijtimoiy muhofazaga muhtoj va ish topishda qiynalayotgan shaxslarni ishga joylashtirish maqsadida tumandagi korxona, tashkilot va muassasalarga xodimlarining ro'yxat bo'yicha o'rtacha sonidan 4 foizlik miqdorida, ya'ni 219 ta ish o'rinalini ajratish vazifasi yuklatilsin, shu jumladan:

- a) 14 yoshga to'limgan bolalari va nogiron bolalari bo'lgan yolg'iz va ko'p bolali ota-onalar uchun – 20 o'rin;
- b) umumiyligi o'rta va o'rta maxsus, kasb-hunar ta'limi muassasalarini tamomlagan yoshlar, shuningdek, oliy ta'lim mussasasalarining davlat grantlari bo'yicha ta'lim olgan bitiruvchilari uchun - 171 o'rin;
- v) safarbarlik chaqiruvi zaxirasida xizmatni o'tagan va O'zbekiston Respublikasi Qurolli Kuchlari saflaridan muddatli harbiy xizmatdan bo'shatilgan shaxslar uchun -6 o'rin;
- g) nogiron shaxslar uchun - 8 o'rin;

- d) pensiyaoldi yoshidagi shaxslar uchun - 8 o‘rin;
- y) jazoni ijro etish muassasalaridan ozod qilingan yoki sudning qaroriga ko‘ra tibbiy tusdagi majburlov choralar qo‘llanilishidan ozod qilingan shaxslar uchun - 6 o‘rin;
- j) odam savdosi qurbanlari uchun - 0 o‘rin.

2. Bekobod tumani bo‘yicha ijtimoiy muhofazaga muhtoj, ish topishda qiynalayotgan va mehnat bozorida teng sharoitlarda raqobatlasha olmaydigan shaxslarni ishga joylashtirish maqsadida ish o‘rinlarini 2023- yil uchun eng kam sonini belgilab qo‘yish lozim bo‘lgan korxona, tashkilot, muassasalar ro‘yxati yo‘nalishlar kesimida takliflar jadvali ilovaga muvofiq tasdiqlansin.

3. Korxona, tashkilot va muassasalar rahbarlariga:

Ijtimoiy muhofazaga muhtoj va ish topishda qiynalayotgan shaxslarni ish bilan ta’minlash uchun 2022- yil 20- dekabr kuniga qadar kvota ish joylari umumiy miqdorining kamida 25 foizi uchun, 2023- yilning 10 -apreldidan kechikmagan holda ish joylarining qolgan qismi 75 foizini barpo etish (ajratish yoki band qilib qo‘yish) to‘g‘risidagi, ya’ni har bir kvota toifasi bo‘yicha ish o‘rinlari band qilib qo‘yiladigan kasblar va lavozimlar, mutaxassisliklar kesimidagi ma’lumotlarni va qaror bo‘yicha chiqarilgan buyruq nusxalarini tuman Aholi bandligiga ko‘maklashish markaziga taqdim etish vazifalari yuklatilsin.

4. Ish o‘rinlari band qilingan korxona va tashkilotlar tomonidan 2023-yil 1-aprelga qadar band qilingan ish o‘rinlarini O‘zbekiston Respublikasi Vazirlar Mahkamasining 2014-yil 15-sentabrdagi 263-sonli qaroriga asosan belgilangan tartibda attestatsiyadan o‘tkazilishi amalga oshirilsin.

5. Korxona, tashkilot va muassasalar rahbarlari ijtimoiy muhofazaga muhtoj va ish topishda qiynalayotgan shaxslar uchun ish joylarining ko‘rsatib o‘tilgan miqdorini O‘zbekiston Respublikasi Vazirlar Mahkamasining 2017- yil 5- dekabrdagi 965-son qarori bilan tasdiqlangan “Ijtimoiy muhofazaga muhtoj, ish topishda qiynalayotgan va mehnat bozorida teng sharoitlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibini yanada takomillashtirish chora-tadbirlari to‘g‘risida”gi Qarorga muvofiq belgilangan muddatlarda va tartibda yaratilishini (ajratilishini yoki band qilib qo‘yilishini) hamda ish joylari sanitariya-gigiyena normalariga va xodim o‘z majburiyatlarini to‘siqlarsiz bajarishini ta’minlaydigan mehnat sharoitlariga muvofiq bo‘lishini ta’minlasinlar.

6. Ushbu qaror ijrosi bajarilmagan taqdirda korxona, tashkilot va muassasalarining mansabдор shaxslari O‘zbekiston Respublikasi Vazirlar Mahkamasining 2017- yil 5- dekabrdagi 965-son qarori bilan tasdiqlangan “Ijtimoiy muhofazaga muhtoj, ish topishda qiynalayotgan va mehnat bozorida teng sharoitlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibini yanada takomillashtirish chora-tadbirlari to‘g‘risida”gi Qarorining 21-bandiga muvofiq ijtimoiy muhofazaga muhtoj, ish topishda qiynalayotgan va mehnat bozorida teng sharoitlarda raqobatlasha olmaydigan shaxslarni ishga joylashtirish uchun ish o‘rinlarini zaxiraga qo‘yish bo‘yicha tuman hokimining qarorini

bajarmagan tashkilotning mansabdor shaxsiga, shuningdek, ularni ishga qabul qilish asossiz ravishda rad etilganligi uchun qonun hujjatlarida belgilangan tartibda ma'muriy javobgarlik belgilanadi.

a) Ijtimoiy muhofazaga muhtoj, ish topishda qiynalayotgan va mehnat bozorida teng sharoitlarda raqobatlasha olmaydigan shaxslarni ishga joylashtirish uchun ish o'rinlarini zaxiraga qo'yish bo'yicha tuman hokimining qarori bajarilmaganligi uchun jarima to'lash tashkilotni zaxiraga qo'yiladigan ish o'rinlarining belgilangan sonini yaratish bo'yicha majburiyatdan ozod qilmaydi.

7.Tuman Aholi bandligiga ko'maklashish markazi direktori (J.R.Normatov)ga;

a) bir hafta muddatda mazkur qarorni tegishli korxona, tashkilot va muassasalar rahbarlariga yetkazsin hamda uning bajarilishi ustidan qat'iy nazoratni ta'minlasin;

b) O'zbekiston Respublikasi Bandlik va mehnat munosabatlari vazirligining 2019 -yil 10-maydag'i "O'zbekiston Respublikasi Bandlikka ko'maklashish davlat jamg'armasi mablag'lari hisobidan subsidiya va grantlar ajratish tartibi to'g'risidagi Nizomni tasdiqlash haqida"gi 9-2019-B-sonli buyrug'i bilan tasdiqlangan O'zbekiston Respublikasi Adliya vazirligidan 2019-yil 31-mayda 3163-son bilan ro'yxatdan o'tkazilgan Nizom talablariga asosan tuman hokimining qarori bilan belgilangan rejadan ortiq toifalardan kelib chiqib, ishga qabul qilingan har bir xodim uchun mehnatga haq to'lashning eng kam miqdorining 2 barobari miqdorida 12 oy davomida mablag' ajratilishini nazarda tutsin.

8. Bekobod tuman hokimining 2021- yil 10- dekabrdagi "Ijtimoiy muhofazaga muhtoj va ish topishda qiynalayotgan shaxslarni ishga joylashtirish uchun ish o'rinlarini 2022- yil uchun band qilib qo'yish to'g'risida"gi 196-10-135-Q/21-sonli qarori 2022- yil 31- dekabrdan o'z kuchini yo'qotgan deb hisoblansin.

9. Mazkur qaror rasmiy e'lon qilingan kundan e'tiboran kuchga kiradi.

10.Ushbu qarorning bajarilishini nazorat qilish tuman hokimining birinchi o'rinnbosari S.Beknazarov zimmasiga yuklatilsin.

Tuman hokimi



F.Xudoyberdiyev

Bekobod tuman hokimining  
2022 yil 1 noyabrdagi  
445-10-135-Q/22-son qaroriga  
1-ilova

Бескрайний восток, бескрайний запад, бескрайний юг и бескрайний север.

r  
s  
h  
x  
l  
t  
n











|